

**I. ATALA****BIZKAIKO LURRALDE HISTORIKOKO FORU ADMINISTRAZIOA****Bizkaiko Foru Aldundia****Iraunkortasuna eta Ingurune Naturala Zaintzeko Saila**

Bizkaiko Foru Aldundiaren 87/2018 FORU DEKRETUA, ekainaren 26koa, zeinaren bidez aldatzen baita Iraunkortasuna eta Ingurune Naturala Zaintzeko Sailaren egitura organikoa arautzen duen 2017ko maiatzaren 23ko 70/2017 Foru Dekretua.

Bizkaiko Foru Aldundiaren 2017ko maiatzaren 23ko 70/2017 Foru Dekretuaren bidez, Iraunkortasuna eta Ingurune Naturala Zaintzeko Sailaren egitura organikoa arautu zen, sailaren egitura Ahaldu Nagusiaren 2015eko uztailaren 2ko 94/2015 Foru Dekretura egokitzeko, funtsean; azken dekretu horren bidez, Bizkaiko Foru Aldundiaren sail berriak zein haien jardun-eremu eta eginkizunak ezartzen ziren.

Agintaldi honetan zehar, nabarmen geratu da beharrezkoa dela foru arlo batzuen antolaketa-ikuspegia eguneratzea. Administrazio publikoan eboluzionatu egin du, eta haren zerbitzuak garatu egin dira denboran zehar; izan ere, betiere herritarren beharizan aldakorrei erantzuteko, haien eskura jarri ditu bere baliabideak, hau da, giza baliabideak eta baliabide ekonomikoak, materialak eta immaterialak.

Testuinguru horretan, Aldundiak apustua egin du epe luzean eraginkorragoa eta iraunkorragoa den baliabide-kudeaketaren eredu baten alde. Bizkaia Goazen 2030 gobernu-estrategiak espresuki jasotzen du Eraginkortasunerako Foru Plana sortu beharra; plan horrek aukera emango dio Aldundiari politika eta ekimen batzuk abian jartzeko, erakundearen barruan baliabideen erabilerean eraginkortasunaren arloan detektatu diren jardunbide egokiak finka eta zabal daitezzen. Era horretan, aurrezki ekonomikoak eta kontsumo eraginkorrerako ohiturak lortuko dira.

Bizkaiko Foru Aldundi osoan eragina duten arlo batzuen antolaketa-ikuspegia aldatu behar da, baina, horrez gainera, beharrezkoa da Sailaren barruan doikuntza batzuk egitea, Sailaren eginkizunak zuzen betetzeko eta helburuak egoki betetzeko.

Bizkaiko Kondaira Lurraldeko Foru Erakundeen Hautapen, Antolaketa, Erregimen eta Funtzionamenduari buruzko 1987ko otsailaren 13ko 3/1987 Foru Arauaren 14. artikulua eskumena ematen dio Bizkaiko Foru Aldundiari bere sailen egitura organikoa eta antolaketa barne-erregelamenduak onets ditzan.

Bestalde, foru arau bereko 60. artikulua xedatzen duenaren arabera, Foru Aldundiari dagokio, kasuan kasuko foru diputatuak proposamena eginda, sail bakoitzaren egitura organikoa eta erregelamendu organikoak onestea, foru dekretu bidez.

Foru dekretu honek bete egiten ditu erregulazio onaren printzipioak; printzipio horiek Administrazio Publikoen Administrazio Prozedura Erkidearen 2015eko urriaren 1eko 39/2015 Legean aurrez ikusten dira eta Bizkaiko Foru Aldundiaren 2017ko urtarrilaren 17ko 2/2017 Foru Dekretuaren 3. artikuluan jasotzen dira (dekretu horren bidez, Bizkaiko Foru Aldundian xedapen orokorrak egiteko prozedura arautzen da). Bestalde, dagozkion txostenak egin dira, dekretu horren 14. artikuluan ezarritakoarekin bat.

Azkenik, foru arau horretako 14.1. artikulua eskumena ematen dio Ahaldu Nagusiari dekretu horiek emateko eta argitara daitezela agintzeko.

Ondorioz, Iraunkortasuna eta Ingurune Naturala Zaintzeko foru diputatuak proposatuta eta Foru Aldundiko Gobernu Kontseiluak 2018ko ekainaren hogeita seiko bileran eztabaidatu eta onartu ondoren, honako hau



XEDATZEN DUT:

Artikulu bakarra.—*Iraunkortasuna eta Ingurune Naturala Zaintzeko Sailaren egitura organikoa arautzen duen Bizkaiko Foru Aldundiaren 2017ko maiatzaren 23ko 70/2017 Foru Dekretua aldatzea*

BAT

Aldatu egiten da 16. artikulua, eta honela idatzita geratzen da:

«16. artikulua.—*Honako atal hauek daude Zerbitzu Orokorren Zerbitzuaren barruan:*

Giza Baliabideen eta Antolaketaren Atala.

Ekonomia eta Aurrekontuak Kudeatzeko Atala.»

BI

Aldatu egiten da 27. artikulua, eta honela idatzita geratzen da:

«27. artikulua.—*Natura Ondarea Zaintzeko Zerbitzuari honako eginkizun hauek dagozkio:*

1. Natura-ondarea kontserbatzea eta lehengoratzea.
2. Bizkaiko Lurralde Historikoko naturagune babestuak kudeatzea.
3. Naturagune babestuetan baso-kudeaketarekin lotutako jarduerak baimendu eta gainbegiratzea.
4. Naturaren kontserbazioaren arloko inbertsio, jarduera eta azterlanak egiteko programak prestatzea.
5. Bizkaiko Lurralde Historikoko Natura Baliabideak Antolatzeko Planak eta Naturaguneak Erabili eta Kudeatzeko Planak egin eta garatzea.
6. Paisaia babesteko planak eta jarduerak egitea.
7. Kudeaketa-planak egin eta gauzatzea Arriskuan dauden Espezien Euskadiko Zerrendan sartutako fauna eta flora basatien kasuan, bai eta fauna eta floraren espezie exotiko inbaditzaileei dagokienez ere.
8. Geodibertsitatea babesteko planak eta jarduerak egin eta gauzatzea.
9. Jarraipena eta kontrola egitea egiaztatzeko ea naturagune babestuetan eragina duten jarduera, plan edo proiektuak egokitzen diren beren kudeaketa-agirietara.
10. Bizkaiko Lurralde Historikoan ehizarako ez den basoko fauna harrapatzea, lekuz aldatzea eta aske uztea.
11. Zerbitzuari dagozkion gaiei buruzko txosten teknikoak egitea.
12. Zerbitzuari dagokion aurrekontua egin, kontrolatu eta gauzatzea; horrek ez du eragotziko Zerbitzu Orokorren Zerbitzuak ekonomiaren eta aurrekontuen arloko bulego kudeatzaile gisa egiten duen jarduera.
13. Goragoko organoek agintzen dizkioten gainerako guztiak.»

HIRU

Aldatu egiten da 35. artikulua, eta honela idatzita geratzen da:

«35. artikulua.—*Landa Garapenerako Zerbitzuari honako eginkizun hauek dagozkio:*

1. Diruz lagundutako landa-azpiegiturako obren ebaluazioa zein jarraipena egitea, bai eta obrak zuzendu, gauzatu eta ikuskatzea ere.
2. Planak eta programak egitea arlo hauetan: nekazaritzako egiturak, mendi-nekazaritza, kalteen konpentsazio-ordainak eta LGENF funtsak kofinantzuriko jarduerak.
3. Laguntzak emateko planak eta programak egitea Euskal Autonomia Erkidegoko Erakunde Ordaintzaileak eskuordetutako nekazaritzako errentetarako, NBEF nekazaritza politika bateratuaren funtsei dagokienez.



4. Landa-garapenaren arloko elkarteak koordinatzea, landa-garapeneko plana Bizkaiko Lurralde Historikoan eta elkarteon eskualdeetan garatzeko.
5. Kudeatzeko sistema integratua koordinatzea eta baldintzazkotasuna kontrolatzea.
6. Bizkaiko Lurralde Historikoko Nekazaritzako Ustiatgien Erregistroa kudeatzea.
7. Bizkaiko Nekazaritza Lurren Funtsa kudeatzea.
8. Saileko zerbitzuek nekazaritzako politika erkidea dela-eta kudeatutako neurri eta jardueren koordinazio teknikoak egitea.
9. Eskualdeko nekazaritza-bulegoak kudeatu, koordinatu eta antolatzea, administrazio-izapideak ikuskatzea, gainerako zerbitzuen eta lehenengo sektorearen administrazio-euskarria izateko «leihatila bakar» gisa.
10. Zerbitzuari dagozkion gaiei buruzko txosten teknikoak egitea.
11. Zerbitzuari dagokion aurrekontua egin, kontrolatu eta gauzatzea; horrek ez du eragotziko Zerbitzu Orokorren Zerbitzuak arlo horretako bulego kudeatzaile gisa egiten duen jarduera.
12. Goragoko organoek agintzen dizkioten gainerako guztiak.»

LAU

Aldatu egiten da 48. artikulua, eta honela idatzita geratzen da:

«48. artikulua.—*Ehiza Fauna eta Arrantza Kudeatzeko Zerbitzuari honako eginkizun hauek dagozkie:*

1. Fauna basatia kontserbatu eta sendatzea.
2. Ingurune naturalaren oreka biologikoa gorde eta berrezartzea.
3. Ingurumeneko Zuzendaritza Nagusiarekin koordinatzea baliabide naturalei eta fauna zein flora basatiari buruzko gaietan.
4. Ehizaren eta ibaietako arrainen babesa, aberastasuna, kontserbazioa, sustapena eta antolamendua egitea.
5. Zerbitzuari atxikitako basozainak koordinatzea.
6. Ehiza eta arrantzarako espezie autoktonoen lerro genetikoak sustatu eta zabalteko programak egitea eta kudeatzea. Ehizari eta ibaietako arrantzari aplikatutako esperimentazioa egitea.
7. Ibaietako arrantza-espezieei oztopoak kentzeko Sailaren programak garatzea eta kudeatzea, eta Bizkaiko ibaien sarearen ahalmen biogenetikoa sustatzea.
8. Iraunkortasuna eta Ingurune Naturala Zaintzeko Sailak arrantzako espezieen gutxieneko kaudal ekologikoak mantentzeko dituen eginkizunak kudeatzea.
9. Bizkaiko Lurralde Historikoan ehizarako basoko fauna harrapatzea, lekuz aldatzea eta aske uztea.
10. Bizkaiko Lurralde Historikoan ehizarako basoko faunaren populazioa kontrolatzeko beharrezkoak diren jarduketak egitea.
11. Zerbitzuari dagozkion gaiei buruzko txosten teknikoak egitea.
12. Zerbitzuari dagokion aurrekontua egin, kontrolatu eta gauzatzea; horrek ez du eragotziko zerbitzu Orokorren Zerbitzuak arlo horretako bulego kudeatzaile gisa egiten duen jarduera.
13. Goragoko organoek agintzen dizkioten gainerako guztiak.»

BOST

Aldatu egiten da 51. artikulua, eta honela idatzita geratzen da:



«51. artikulua—*Zerbitzu Orokorren Zerbitzuari honako eginkizun hauek dagozkie:*

1. Langileak kudeatzeko antolamendua, hobekuntza eta arrazionalizazioa koordinatzea: trebakuntza-planak, giza baliabideen planak, arriskuen prebentzioa eta lan-osasuna, plantilla, eta abar. Hori, baina, ez da eragozpen izango arlo horretan eskuduna den sailak bere eskumenak erabiltzeko.
2. Gobernu Kontseiluarekin zerikusia duten gaiak izapidetzea, arloko eskumena duen sailarekin koordinatuta.
3. Zuzendaritza nagusiei eta haien peko zerbitzuei batera eragiten dieten jarduketak koordinatzea eta aholkularitza ematea, haietako bakoitzaren eskumenak eta eginkizunak gorabehera.
4. Sailaren aurrekontua prestatzeko lan teknikoa egitea eta Sailaren aurrekontuaren kontrola, kudeaketa eta jarraipena egitea, zuzendaritza nagusiekin eta zerbitzuekin koordinatuta.
5. Ogasun eta Finantzen Foru Sailarekiko harremanak koordinatzea, gai hauetarako: aurrekontuak, fiskalizazioa, ondarea eta auditoria.
6. Sailari atxikitako ondasun higiezinak eta higigarriak kudeatzea, Ondare Zerbitzuekin batera, eta kontrolatzea zer ondasun berri dagoen eta ea ondasunak behar bezala dauden.
7. Herri Administrazioarako eta Erakunde Harremanetarako Sailarekin harremanetan jartzea Sailaren instalazioen mantentzearekin zerikusia duten lanak kudeatzeko.
8. Euskal Autonomia Erkidegoko erakunde ordaintzailearekin koordinatzea (Feaga eta Lgenf).
9. Erregistro- eta artxibatze-lanak ikuskatzea, bai eta Sailak bide ofizialetan jartzen dituen iragarkiak ere.
10. Prozeduren katalogoaren garapena, administrazio elektronikoarena eta web-orriarena koordinatzea eta, horretarako, arloan eskumena duen sailarekin lankidetzan aritzea.
11. Sailean egiten diren barneko eta kanpoko auditoriak koordinatzea.
12. Sailaren informatika-plana koordinatu eta gauzatzea.
13. Zerbitzuari dagozkion gaiei buruzko txosten teknikoak egitea.
14. Zerbitzuari dagokion aurrekontua egin, kontrolatu eta gauzatzea.
15. Goragoko organoek agintzen dizkioten gainerako guztiak.»

SEI

Aldatu egiten da 53. artikulua, eta edukirik gabe geratzen da, honela:

«53. artikulua. —... (*edukirik gabe*)»

ZAZPI

Aldatu egiten da 55. artikulua, eta honela idatzita geratzen da:

«55. artikulua—*Aholkularitza eta Arau Garapena Bideratzeko Zerbitzuari honako eginkizun hauek dagozkie:*

1. Laguntza tekniko-juridiko administratiboa koordinatzea Sailaren eskumeneko arau-xedapenak eta ebazpenak aztertu eta egiteko lanekin eta haien jarraipenarekin.
2. Sailaren eskumeneko gai guztiei buruzko txosten juridikoak egitea eta foru diputatuari laguntza ematea Gobernu Kontseiluaren gaietan eta bilera, hitzaldi eta zitazioetan —besteak beste—, hark eskatzen duenean.
3. Sailari aholkularitza juridikoa ematea, arlo honetan Herri Administrazioarako eta Erakunde Harremanetarako Sailak dituen eskumenak kontuan hartuta, eta hi-



tzarmenak, kontratuak, estatutuak eta bestelako agiri ekonomiko-juridikoak egitea. Herri Administrazioarako eta Erakunde Harremanetarako Foru Sailarekin harremanak izatea arlo horietan.

4. Sailaren kontratazioa kudeatu eta koordinatzea, bai eta hari buruzko informazioa ere.
5. Eusko Jaurlaritzan nekazaritza arloko eskumena duen sailarekin honako hauek koordinatzea: itun eta hitzarmenak, elkarrekin garatu beharreko araudia eta jarduketak (nekazaritzako politika erkidea).
6. Laguntza tekniko-juridiko administratiboa koordinatzea Sailaren eskumeneko arau-xedapenak eta ebazpenak aztertu eta egiteko lanekin eta haien jarraipenarekin.
7. Sailaren ekimenekoak diren foru arauen aurreproiektuak eta foru dekretuen, foru erabakien, foru aginduen eta bestelako arauen proiektuak egitea eta/edo haien buruzko aurretiko txostena egitea.
8. Azterketa, txostena eta jarraipena egitea, honako hauei dagokienez: era guztietako arauak, lurralde- eta hiri-antolamenduei buruzko agiriak, naturagune babes-tuen antolamendurako agiri eta planak, eta abar.
9. Zehapen arloko errekursoak eta ondare-erantzukizunekoak.
10. Azterketa, txostena eta proposamena egitea, araubide juridikoari eta administrazio-prozedurari buruzko xedapen orokorrak sartzeko Sailaren ekimeneko xedapen guztietan.
11. Datu juridikoen baseak. Sailaren interesekoak diren lerrun guztietako arauak, doktrina edo jurisprudentzia katalogatzea eta banatzea.
12. Foru Aldundiko Lege Aholkularitzarekin koordinazioa egitea, Sailean eta haren zerbitzuetan eragina duten gaietan.
13. Sailak parte hartzen duen batzordeak koordinatu eta bultzatzea eta haien jarraipena egitea.
14. Zerbitzuari dagozkion gaien buruzko txosten teknikoak egitea.
15. Goragoko organoek agintzen dizkioten gainerako guztiak.»

ZORTZI

Aldatu egiten da 57. artikulua, eta honela idatzita geratzen da:

«57. artikulua.— *Informazio eta Aholkularitza Atalari honako eginkizun hauek dagozkie:*

1. Administrazio-prozedura arautzen duten eta Saileko organoek aplikatu behar dituzten arauak betetzen direla zaintzea.
2. Sailaren jardueri buruzko errekursoak, kexak, erreklamazioak eta eskaerak aztertzea, izapidetzea, eta ebazpen proposamena egitea edo horien inguruko txostena ematea, foru diputatuak edo Herri Administrazioarako eta Udal Harremanetarako Sailak ebatzi behar dituen.
3. Agiri juridikoak bildu eta antolatzea, haietan interesatuta dauden Saileko organoen ezagutzera emateko eta, beharrezkoa bada, aholkularitza emateko.
4. Zerbitzuekin batera izapidetzea Sailaren eskumeneko gaien buruzko zehapen-espeditenteak.
5. Zerbitzuekin batera, ondare-erantzukizunari buruzko espeditenteak aztertzea eta haiek ebazteko proposamena egitea.
6. Administrazio-prozedura arautzen duten eta Saileko organoek bete behar dituzten legeen edo araudien aginduak gorde eta betetzen direla zaintzea.
7. Sailaren laguntza, baimen, erabilera-aldaketa, segregazio, mugatze, okupazio eta abarrei buruzko administrazio-espeditenteetarako proposamenak aztertzea eta foru aginduen ereduak lantzea, zerbitzu kudeatzaileekin koordinaturik.
8. Atalari dagozkion gaien buruzko txosten teknikoak egitea.
9. Goragoko organoek agintzen dizkioten gainerako guztiak.»

**XEDAPEN INDARGABETZAILEA**

Indargabeturik geratzen dira foru-dekretu honetan xedatutakoarekin bat ez datozen eta haren aurkakoak edo bateraezinak diren maila bereko edo apalagoko artikulua, erabaki eta xedapen guztiak.

AZKEN XEDAPENAK**Azken Xedapena Lehenengoa**

Iraunkortasuna eta Ingurune Naturala Zaintzeko foru diputatuari ahalmena eman zaio erregelamendu hau garatzeko eta aplikatzeko behar diren xedapen guztiak emateko.

Azken Xedapena Bigarrena

Foru dekretu hau Bizkaiko Aldizkari Ofizialean argitaratzen den egunean jarriko da indarrean.

Bilbon, 2018ko ekainaren 26an.

Iraunkortasuna eta Ingurune Naturala
Zaintzeko foru diputatua,
ELENA UNZUETA TORRE

Ahaldun Nagusia,
UNAI REMENTERIA MAIZ